

Souscription en faveur des inondés du Midi de la France : dont le produit est versé dans la caisse du Comité de Lausanne

Autor(en): [s.n.]

Objektyp: **Article**

Zeitschrift: **Le conteur vaudois : journal de la Suisse romande**

Band (Jahr): **13 (1875)**

Heft 29

PDF erstellt am: **11.08.2024**

Persistenter Link: <https://doi.org/10.5169/seals-183319>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

fusi que s'einfatè et sè désinfatè dein on borné ein fai. C'est dou martsaux que font cein djüi. Ti lè vagon, qu'on derai dâi z'onibus, sont appondus pè dâi grossès boccliès. Quand tot cein s'est z'u arretâ et que lè dzeins dâi z'onibus, que de vessont dè-cheindrè, furont frou, on espèce dè militéro no z'a de : Troisième en avant, marche! Ah! ah! mè su peinsâ, l'assesseu a bin réson, ora qu'on a la révejon on no fâ martsî rondô, tantqu'ai fennès que dussont assebin obéi. Et pi lè dzeins sont tant malonétos : no z'ont tant cougni et bussâ po eintrâ que yé laissi corre mon bissa, que l'est tsezi dein lo pacot et que ia z'u cinq z'âo d'écliaffâ, et que lé ramassâ tot coffo. Pas petout n'ein etâ dedein que l'ont clliou la porta d'n'a fooce que la Marienne, qu'étâi derrâi mè, a z'u son gredon prâi et que cllia pourra fenna étâi quie coumein cllioulâie sein pôai fèrè on pas ni pi s'achetâ, que cein mè fasâi maubin et que l'a failu râovri po la déliettâ. Adon n'ein etâ einsordellâ pè on subliet qu'arâi fé mau à n'on sor; n'ein ohü dâi soccliâiès coumein dâi bâo, et ne sein parti....

Eh bien! yaré cru que cein allavè pe rudo. On desâi per tsi no que cein tracivè tant râi; nefâ! on pâo bin recognâitrè pè la fenétra lè sapins, lè nohis, lè ceresis et lè mâisons. Mâ n'ein reincontrâ on outro tsmîn dè fai que tracivè bin pe foo què lo noutro. Oh! cé ziquie a passâ coumeint on einludzo, on n'a rein vu; n'aré pas volhiu l'âi étrè. Portant on pou après paret qu'on est z'allâ destra rudo assebin, kâ on a passâ dâo dzo à la né sein s'ein apèçâidrè; et pi cein fasâi on boucan que la Marienne sè froulavè contrè mè et tot d'on coup lo dzo est revenu. Yé vouâti pè la fenétra et on étâi âo fin fond d'on pecheint dérúpito, et la né est reveгна et pi lo dzo. Yé su après que l'étâi cein que l'appelont lo tunet dè Mormont; on passè dézo dâi voulès iô on ne vâi pas on n'istiére qué cauquiès z'épèluès que saillont dè la tsemenâ.

Adon on s'est arretâ, et criavont défrou : Epèclons La Sarrâz! Epèclons La Sarrâz!... Vouaiquie dâi tsecagnès, yé peinsâ; sè volliont tapâ. Yé vouâti et né rein vu què cé que coumandâvè à Tsavorné que criavè adé, et que l'est bin on merdâo dè sè cottâ contrè clliâo dè La Sarrâz. Cllia tsecagne n'a rein bailli; onna fenna est montâie vers no et ne sein parti. Lo bouélan est venu no demandâ noutrè cartès que l'a péci avoué dâi petitès z'étenâillès et no z'a rein de.

On pou après on s'est mé arretâ et l'ont criâ : Penthalaz, cochonniers! Penthalaz, cochonniers!... La! vouaiquie que l'insurtè enco clliâo dè Penthalaz, et yé volhiu allâ vâirè, mâ la Marienne m'a ratenu pè mon pantet ein mè deseint : Se tè plié, ne tè mèclia pas dé cein! et su restâ. Yavé couâite d'arrevâ à Lozena, ka on ne sè cheintâi pas tant à l'éze perquie, et on coumîncivè à avâi fan, assebin n'ein âovai lo bissa, iô l'âi avâi onna rude papetta et n'ein medzi on bocon dè pan et dè sâocece que n'ein du panâ pè rappoo âi z'âo.

On s'est enco arretâ dou iadzo et l'ont adé boeilâ;

mâ n'ein rein volhiu ourè et ne sein arrevâ à Lozena, qu'on a vito reinfatâ lo resto dè noutra pedance dein lo bissa. Adon l'ont criâ : Lausanne, les voyageurs pour Vevey, Saint-Maurice, 50 minutes d'arrèt!... Tai! que yé de à la Marienne : ye vont mettrè âi z'arrêts clliâo qu'on insurtâ lè dzeins dè La Sarrâz et dè Peinthalaz, et que l'est bin l'âo dan; qu'ont-te fautâ dé tsecagni lè bravès dzeins! — No faut no ramassa dè perquie, mè dit la Marienne qu'avâi pouâie qu'on no mettè dedein assebin, et pè bounheu, cauquon no z'a criâ : Par ici la sortie! et ne sein vito saillâi, mâ n'ein du bailli noutrè cartès. Quand n'ein etâ défrou, n'étâi pas enco Lozena parce que la gâra n'est pas dein lo veladzo et n'ein étâ no chetâ su on moué dè pierrès po fini noutra sâocece âo fedzo ein atteindeint la bouéba que de vessâi veni à noutron reincontro...

Po s'ein reveni, cein est mi z'allâ. Ne crayo pas pi que sè séyont tsecagni; l'est veré qu'é droumâ dein lo vagon et n'é rein ohü. Yé trovâ dévânt dè reparti lo valet à Jean-Louis, lo Jone, et n'ein mardié bu trâi quartettès dein la gâra même, que la Marienne a du mè trevougni à Tsavorné po mè fèrè dècheindre.

Ora, ne sé pas! clliâo tsemins dè fai, cein est bin coumoudo po allâ rudo quand on est pressâ, ma on l'âi est pas tant bin, et y'améré atant qu'on ein mettè mein per tsi no, ka cein porrâi amenâ dâi tsecagnès.

C. C. D.

PENSÉE

La cheminée que surmonte la plus forte fumée n'est pas toujours celle qui annonce le meilleur repas.

Souscription en faveur des inondés du Midi de la France

dont le produit est versé dans la caisse du Comité de Lausanne.

Dons précédents, fr. 393 80. — M. J. Larguier, aux Bergères, fr. 30. — M. Golay, notaire, fr. 5. — M. Kraysenbuhl, fr. 5. — Total: fr. 433 80.

Faute de place, nous sommes obligés de renvoyer au prochain numéro la suite de notre feuilleton.

La livraison de juillet de la **Bibliothèque universelle et revue suisse** contient les articles suivants : I. La philosophie des fondateurs de la physique moderne, par M. Ernest Naville. — II. Proudhon, d'après sa correspondance, par M. Frédéric Baile. — III. Le docteur Weisemann. Nouvelle, par Mlle Julie Annevèlle (2^{me} partie). — IV. L'armée italienne pendant le choléra de 1867, de M. Ed. de Amicis. — V. Le second mariage de Pierre Viret. Episode du XVI^e siècle, par M. Amédée Roget. — VI. Chronique parisienne. — VII. Bulletin littéraire et bibliographique.

Bureau chez Georges Bridel, place de la Louve, Lausanne.

L. MONNET.